


www.BibleForChildren.org



Tutu Xuva 14



'Na töve nuva jà'a ndo ña nda'vi kūuni ndo. Na chinuni ndo ma ña kà'an Ndioo, ta na chinuni ndo ma ña kà'in ndia. Ma nuu ìyo ve'e ma Tatái, ìyo kua'a' ma nuu koo yo, vati tu töve yi, cha kātitu'in nuu ndo niku. Ta takan kùu yi ña ni kujandova'i ma nuu koo ndo.



Ta ora cha kuà'an ndioi ña kuàjandova'i ma nuu koo
ndo, ni kichi ndikoi inga cha'a', ta ni ku'un ndo chi'in,
ikan indukuni koo ndo chi'in ma nuu ni koi.



Yu'u ra nàni Xuva, ra juuni chìnunì takua chìnuni
ndo, ti cha ndō'jìn chi'in ndo cha'a' ma
Racha'nu Jesuu. Yakan va juuni ni ni'ì

nuu ni koi chi'in ndo ma
nuu chà'nda Ndioo




tiñu, ti juuni ya'a
jāndeenì ña nde'i
tundo'o ndia.



Vati cha'a' ña kàtitu'in ma tu'un Ndioo nuu ma
ñivi cha'a' ma Racha'nu Jesucristu, kùu yi ña
tāchi na yu'u kuenda ña ndè'i tundo'o


ma tichi ku'u ña nàni
Isla Patmo.




Tajan juuni ma ora ikani, kīndoi nda'a' ma Tati lí Ndioo,
ta ikan ndē'i ña kēta iin tayu í nuu tà'nda tiñu ma iti'
andivi chi'in iin ra nandi tichi yi.



Ta chīn̄i ña ndisaa kuu ma ña jātuvi ma Racha'nu
Ndioo, takua kùu ma ña ìyo iti' andivi, ta ma nuñu'u'
ñuñivi, ta ma xuu ma ñu'u', ta ma
tichi tañu'u, ña te'en kà'an na:
Ma ra nandi nuu ndaa ma tayu íí
nuu tà'nda tiñu, chí'in ma ra kùu
ma mvechala ña ìyo
ma ikan, . . .



. . . ti ya'a ga í kùu ma nuu chà'nda ra tiñu, ta kuenda rakan kùu ra ña ìyo yi ña tiñu'u yo ra, ta jaka'nu yo ra endeeni.



Tajan ndē'i ña ma ñuu íí ña kùu ma ñuu Jerusalén
chaa, ña v àchi nuu yi iti' andivi nuu ìyo ma Racha'nu
Ndioo, ña nduva'a vii ndova'a yi takua kàa iin ñivi ña'a
ma ora tànda'a ña ña nduva'a vii ndova'a ña kuenda
ma ra ni
kundaka ña.



Takan kūu tajan ma iti' andivi chīnī iin tati ña te'en
kānachaa ni'i yi: –Na nde'e ndo ti i'ya kùu ma ve'e nuu
ìyo Ndioo chi'in ma ñivi, vati cha ndō'iin ra chi'in na,
ta ni ja'a ra ña na kuu na iin ñuuni ma chi'in ra ti maa ra
kùu ra ña ni koo ra chi'in na vati uvanuu Ndioo kùu ra
kuenda
ña jàka'nu
na ra.



Ta ora yā'a ña kūu takan, tajan ma tati ikan jāna'a ndio
yi nui iin yuta takuui kuichin takua kàa inu ña chà'a ra'
kivi koo yo, ña kèe ra' ma nuu ìyo tayu íí nuu chà'nda
Ndioo tiñu chi'in ma ra kùu takua kùu mvechala.



Ta ma ñuu ka'nu ikan, tüvi chiniñu'u yi ña jàtuun ma
nikandii yi, ta ni ma yoo ndia, vati ma ra ni jàtuun yi kùu
ma Racha'nu Ndioo, ta ma ñu'ú ikan, kùu ma ra kùu
takua kùu ma mvechala.




Va töve ni ki'vi ma ñuu ikan ndisaa ndian kini chi'in ndian jà'a kuati. Ta juuni töve ni ki'vi ndian xaani a ndian jàka'nu yutun ií chi'in ndian jànda'viña'a. Vati uvanuu ma ndian ni ki'vi ma ñuu ikan, kùu ma ndian ka'ìn sivi nuu ma tutu ra kùu mvechala ña kà'an yi, yo ni koo endeeni chi'in ra.




Vati maa ra kùu ra ña ni janatii ra ma takuui tinuu na ti
na tüva ni kuvi na, ta na tüva ni kuaku na, ta ni ña
nda'vi kùuni na, ta tüva ni nde'e na
tundo'o ndia. Vati ma nuñu'u'
cha'nu chi'in ndisaa ma
ña kini ìyo yi niku
cha nāa yi.




Taku ma ñuu ikan töva ni koo nī'iin ña kini a ñivi kini ña töve chàta'ani Ndioo ña na koo na. Ta ma tayu íí nuu chà'nda Ndioo tiñu chi'in ma ra kùu takua kùu ma mvechala, ni koo ndio ra ma ñuu ka'nu ikan, ta ikan ni jaka'nu ndio ma ndian kùu ñivi ra ra, ndian jàkuu tiñu nuu ra. Ta ndisaa na ni nde'e na ma nuu va'a ra, ta ma sivi ra ni kindoo yi ma te'e nuu na.



Ta ikan jan ndē'e ndioi ña ma ndian cha'nu chi'in ma ndiakwati ña cha chī'í, ña ndaa na nuu Ndioo nuu nandi ra tayu nuu chà'nda ra tiñu, tajan nūna ndio yatin nuu kua'a' nuu ma tutu. Ta tañu ma tutu ikan juuni nūna ma tutu ña kà'an yi ma sivi ndian ni koo endeeni chi'in Ndioo. Tand'i'i ma ndian chī'í ikan, Ndioo ni jakutuni ra na, cha'a' ta'ii'iin ma kwati ña jà'a na, takua ndiso ma nuu tutu ra ndia. Ta ma lakuna ñu'ú ndu'va ikan kūu yi ma nuu jākoyo yi tand'i'i ndian tüvi ndiso sivi nuu ma tutu Ndioo ña kà'an yi yo ni koo endeeni chi'in ra.



Takan kūu tajan te'en nāka'an ndio ma ra kùu Tati lí
Ndioo, chi'in ma ndian kùu takua kùu ñasi'i ma ra kùu
mvechala: –Na'a ndo –kàti na.



Ta nda ndian ni kuuni ña taso'o na ora kà'an na takan,
na ka'an na: –Na'a ndo –inga cha'a'. Tu ìyo nda ndian
natii takuui, na kichi na i'ya. Na kichi na ta ku'va saanì
ma takuui ko'o na ña chà'a kivi koo yo.



'Takan kūu cha'a' ña ya'a ga kùuni Ndioo
nde'e ra ma ñivi ñuñivi, yakan va chā'a
ra ma ra uvanuu ña kùu Se'e ra nuu na,
ikan nda ndian nikuuni tu chinuni na
ma tu'un ra, tüvi ni naa na, vati ni
ni'i na nuu koo ndito na
endeeni chi'in dioo
jà'a ra.



Tutu Romanu 3:23 vati ndisaa yo ìyo kuati yo, ti cha'a' yakan kùu yi ña cha jāchika ra yo ma nuu chà'nda ra tiñu.

Tutu Romanu 6:23 Yakan va ma ya'vi ña nì'i ma ñivi cha'a' ma kuati jà'a na, kùu yi ña ni kuvi na. Va ma ña nì'i saani yo ña chà'a Ndioo nuu yo kùu yi ña ni koo yo endeeni chi'in ra, cha'a' ña induku ìyo yo chi'in Racha'nu Jesuu ra kùu chito'o yo.

Tutu Hebreu 9:27 Ta takan kùu yi ña ni kuvi ndisaa ma ñivi iin cha'ani, ta iti' nuu ni kichaa ndio ma ora ña ni jakutuni Ndioo kuati jà'a yo.



Tutu Efesu 2:8,9 Vati chi'in ñamani Ndioo nī'i ndo ña ni kakú ndo cha'a' ma ña chìnuni ndo. Ti ma ñamani i'ya na töve ña nànduku maa ndo kùu yi, vati Ndioo kùu ma ra chā'a sani ra yi nuu ndo. Töve tiñu nī'i ndo ña jà'a maa ndo kùu yi, yakan va nī'iin ndo na töve ìyo yi ña kuu sukun kuuni ndo cha'a' ña ndian cha kàkú kùu ndo.

Tutu Romanu 10:9,10 Tatu chi'in tu'un yu'u ndo na'ma ndo ña ndicha ña Jesucristu kùu ra ma chito'o ndo, ta chi'in anima ndo juuni chìnuni ndo ña ndicha ña jānataku ndiko ma Racha'nu Ndioo ra tañu ma ndian ndií, ni kakú ndo jà'a ra. Vati chi'in anima yo kùu yi ña chìninio tu'un Cristu, kuenda ña na ndakuu yo ndian ndaa jà'a ra, ta chi'in yu'u yo nà'ma yo ña chìnuni yo tu'un ra, kuenda ña na jakakú ra yo.



Tutu Xuva 3:16,17 'Takan kūu ta cha'a' ña ya'a ga kùuni Ndioo nde'e ra ma ñivi ñuñivi, yakan va chā'a ra ma ra uvanuu ña kùu Se'e ra nuu na, ikan nda ndian nikuuni tu chinuni na ma tu'un ra, tüvi ni naa na, vati ni ni'i na nuu koo ndito na endeeni chi'in Ndioo jà'a ra. Vati Ndioo tāchi ra ma ra Se'e ra kuenda ña na jakakú ra ma ñivi ìyo ñuñivi, ta yöve kuenda ña na tiso ra kuati na ta kuvi na.

1 Tutu Xuva 5:11-13 Ma Racha'nu Ndioo cha kāti kachin ra nuu yo, ti kùuni ra ña na ni'o nuu ni koo yo endeeni chi'in ra. Ta cha'a' ña ndō'iin yo chi'in Se'e ra kùu yi ña ni'o nuu ni koo yo endeeni chi'in ra. Yakan va ma ndian chìnuni tu'un ma ra Se'e ma Racha'nu Ndioo, cha nì'i na yi, va takua ma ndian tüvi chìnuni tu'un ma ra Se'e Ndioo, na tüvi nì'i na yi. Tàì ma tu'un i'ya kuenda ndo ndian chìnuni tu'un ma Racha'nu Jesuu ra kùu Se'e Ndioo, ikan na koto kachin ndo ña cha nì'i ndo nuu ni koo ndo endeeni chi'in ra.



Tutu Xuva 14; Tutu Corintu Uvi 5;
Tutu Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mixtec, Santa María Zacatepec NT (mza) © 2015, Wycliffe
Bible Translators, Inc. All rights reserved.

<https://live.bible.is/bible/MZAWBT/MAT/1>

©2025 Bible for Children, Inc.

www.M1914.org

www.bibleforchildren.org

